

大竹縣志卷三十三

流寓志

鳳無留巢鵬有息翻泥雪千秋雲霄一迹古賢何爲
羈棲道路或壯遠遊或經世故昔日蓬梗今日芳塵
去住忽忽我思美人餘風足與濟山有耀懷古必稽
借才詎諠作流寓志

大竹縣

唐

李白

彰明人母娠時夢長庚入懷故以白名才氣
邁逸縱橫任俠賀知章薦之明皇召入試清

大竹縣志

卷三十三

流寓

平調歎曰仙才也坐七寶牀手調羹賜之時高力士
甚權赫白即上前叱令脫靴其氣節如此後坐永王
璘事長流夜郎及以拾遺召而白已卒少時周遊四
方由竹入渠在南陽寺有詩今其渡處名李渡

鄭谷

字愚若袁州人故永州刺史子幼時司空圖
見而奇之曰當爲一代風騷主後與張喬許

棠諸人齊名爲十哲乾寧中爲都官郎中谷詩名盛
於唐末世多傳諷號爲鄭都官而弗名也所著有雲
臺編等集亂後避蜀至宕渠有筆峯詩載藝文筆峯
在縣西數里許

宋

柳生

青神縣人幼與蘇子瞻兄弟讀書中巖寺交
契甚篤柳嘗謂蘇曰君聰慧絕倫氣節挺世

文章事業必震當時我自知虞骨相屯侯君出山後
當另尋幽僻壹志養真完此身足矣他非所樂後去
中巖遊至竹棲隱柳城山山古無柳名後人因柳而
名之也柳住山一琴一僕嘯吟清酒遊其門者多與

闡發經義蘇公登仕後嘗通候寄詩詩載藝文志蘇
謫嶺海柳從至儋耳聚首月餘而返遂不知所終查
青城山志宋柳生學道山中至明成化時尚在意郎
此也

元

徐一品

原籍固始縣人仕蜀
寓竹教授生徒怡情山水遂終休職棄官

明

程濟

朝邑人官岳池教諭精術數嘗密奏某日月
北方兵起建文帝以為妄將誅之濟請囚後

果驗擢編修護諸將北征徐州之捷諸將立碑序功
濟夜往祭人莫測其故後文帝見碑按名行誅濟名
適當斷處得免靖難兵入帝欲自裁濟止之得太祖
遣篋有僧具濟遂為帝祝髮以道人從帝出亡每遇
危險輒用術脫去初在岳池時悉知竹地幽僻帝既
入蜀遂導帝來善慶里杜景賢構寺居之居既定濟

大竹縣志

卷三

流寓

二

時與史彬馮灌等往來各省舊臣家得贊以供帝後
復從帝入滇黔諸寺潛迹多年帝已八旬諸亡臣俱
物故惟濟與王友德侍濟一日謂帝曰可以歸矣鳴
之當路護送至京帝既入大內濟與友德泣別曰臣
等事已終當從此去遂不知所往

楊應能

建文時為吳王教授帝將出亡內官以太祖
遺篋至得度牒三張一名應能楊曰臣是也

遂祝髮隨亡奔走萬里跨步不去從帝遁竹復入黔
後至滇中卒

葉希賢

官監察御史帝與應能既為賢無疑遂
名應賢者希賢

祝髮從時亡臣二十餘人皆關約縱跡離合不時獨
賢與能以比邱常侍左右凡帝所在未嘗不從帝去
竹復從去能卒後數月賢亦卒於滇

史彬

吳江人官徐王府賓輔從建文帝出亡帝將
往滇南依西平侯彬曰且止於是更歷名勝

至吳江主之會奉文追奪諸臣遁去者詰勅至彬家且索帝行跡彬曰不知帝遂行永樂二年帝由滇入吳復至其家為帝易衣履復從帝至竹帝既生杜景賢彬遂時復往來外間有得輒遺帝後仍從先濟等卒

王友德 字秀卿 蘄水人 由進士官副都御史從建文

亡臣俱出遊間有所獲友德乃潛回本籍盡變已產攜貲反竹以供帝用後復從入滇黔時從亡諸臣如史彬應賢應能等俱已物故惟友德與程濟常侍帝前帝既自陳至京迎入大內友德泣別帝亦遂別濟愛竹地幽僻遂復還卜居柳城山下蓋與程濟始終從亡艱難困苦者四十餘年其子孫世顯於竹稱巨族焉

雲門僧 姓宋名和官中書舍人

大竹縣志

卷三十三

流寓

三

葛衣翁 姓趙名天泰官翰林院編修出亡時適衣葛

東湖樵夫 姓牛名景先官鎮撫

塞馬先生 姓馮名淮官刑部司務以姓有馬旁遂以

補鍋匠 姓王名之臣官欽天監正嘗奔走夔慶間為

山巖中語竟日語已復大哭乃別去人莫測也

已上從亡五人及雪庵和尚俱主奔走道路給運衣

食帝在竹稍久雪庵既從帝居山寺五人者各以時

出沒潛迹來往後俱不知所終

雪庵和尚 或曰郭節官中書舍人或曰吳成學官修

竹杜景賢既造寺居帝和尚遂常侍朝夕誦易景賢止之改誦觀音經又好楚辭買一册登小舟急棹中流朗誦一頁輒投一頁於水投已輒哭哭已又讀首盡乃返死之日其徒問宜銘何許人和尚張目曰松

陽其死時在建文去竹前後不可考

黃輝 南充人字平倩號慎軒弱冠舉省元出進士
歷大司成後引疾居竹陽清素如寒士文名動天下
尤精翰墨海內多寶之著有鐵庵詩集八十卷平倩
逸稿三十六卷

皇清

傅良辰

字潛齋楚漢陽人少從關中李二曲先生遊
得性中之學喜讀易善卜筮推步之術所著
有困學錄大學解遊至竹庠生朱經徐開來延之講
學數年而返

李淑芳

渠縣人與邑中孝廉黃仁王正策俱中
時負笈來遊與二公讀書講藝有某生亦
同學夜三人俱睡某生獨寤聞二鬼語一曰近日
頗窮餓奈何一曰何不崇室中讀書者一曰中有三

大竹縣志

卷三十一

四

貴人犯之轉當為禍耳遂寂某生故太學聞鬼言竊
意三貴人中或有已也每鄉試必赴及三公次第領
鄉薦某生始恍然自失後李成進士為御史以顛直
名動天下其沒也見夢太守言為本郡隍神

陳士英

江西人幼服儒書屢困場屋遂棄家為黃冠
遠遊至竹寓居無際寺自號竹溪山人工詩
畫脫畧世俗笑傲山林性好施與所積餘贖買置義
塚北關外後卒於寺葬觀音閣側人為之建祠焉

李雲程

字扶九雲南石屏人學問鴻博貫通百家登
乾隆甲戌進士任瀘西府教授謫域竹陽邑
侯余公延掌振文書院十餘年四方遊泮登賢書者
多出其門晚歲好道以病卒葬觀音閣後打石窩